

und des richs wegin' beizustehen; gelobt allen nachweisbaren Schaden zu ersetzen. — Mainz, 1349 (an dem nesten fritage nach des h. lichams tage) Jun. 12.

Am 2. Jun. verhiess K. Karl Wetzlar Beistand wider den Grafen von Solms, Huber, Reg. Kar. IV n. 983, und die Burg Hohensolms wurde in der That noch in diesem Jahre zerstört, Ann. brev. Solmenses bei Böhmer, Fontes IV, 449. Vgl. Huber n. 1059.

5. K. Wenzel erhebt Philipp von Falkenstein zum Grafen und verleiht ihm eximierten Gerichtsstand. — Nürnberg, 1397 Oct. 8.

(f. 115.) Wir Wenczelauw von Gots gnaden Romischer kunig, zu allen ziiten merer des riichs und kunig zu Beheym, enbieten dem edeln Philips graven zu Falkenstein unde herren zu Minzzenberg, unserm und des riichs lieben getruwen, unser gnade und alles gute. Lieber getruwer. Wir haben angesehen manigvaldige und unvordrossene dinste, als du uns und dem heiligen riiche vur langer ziite offte und dicke, nutzlichen und willichen ertzeiget unde getan hast, degelichen dust¹ unde furbaz dun salt und mogest in kunftigen ziiten, und nemelichen durch steter truwen, die wir an dir gentzlichen erkant und erfunden haben, und haben dich und dynes liibes erben darumb mit walbedachtem unde guten rade unser fursten, edelen unde getruwen zu eynem graven zu Falkenstein erhebt, erhoht, gewirdiget und gemacht, erheben, erhothen, wirdigen und machen dich zu graven daselbes in crafft dises brifes und Romischer kunglicher mechte volkomenheid, und setzen und wollen, daz du allen und iglichen eren, werden, rechten, friiheiten, gnade, erlawbunge, usznemingen, herkomen und guter gewonheid an allen steten genyssen und gebruchen sollest und mögest in aller mazen, rechten und wise als andere unsere und des riichs graven von recht ader gewonheid genyssen und gebruchen von allirmenlich ungehindert. Auch so dun wir dir graven diese besundere gnade, daz dich neman wer der sii, vur² unser unde des riichs hobegericht noch sust fur dheyne ander gericht ader lantgericht umb dheynerleye sache nit laden, furtreiben, heischen noch fordern sollen in dheyne wise dan alleyne vur² unsern obristen marschalk, da auch eynem iglichen kleger geen dir eyn volkomen rechte wiederfaren sal, als billich ist. Sonderlichen so wollen auch wir, daz nyman, wer der sii, deine manne, burgmanne, burger, bauwer und ander deine undersessen vur unser und des riichs hohericht ader andere gericht nyt laden noch heissen solle in dheyne wis, sonder hette yman zu denselben ichtes zu sprechen,

1) 'dinste' Hs. 2) 'und' Hs.